



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03 i 34/03 i 65/13), Zaključka Vlade Zeničko-dobojskog kantona o oglašavanju upražnjenih pozicija predsjednika i članova Upravnog odbora Agencije za privatizaciju Zeničko-dobojskog kantona, broj: 02-30-8574/21 od 16.06.2021. godine, a u postupku imenovanja, odnosno nominacije na upražnjene pozicije u reguliranim tijelima u kojima kantonalni organi vlasti imaju pravni interes i u kojima, prema važećim zakonima, pravima i propisima imaju zakonito pravo da vrše imenovanje, ministar Ministarstva za privredu, objavljuje:

### JAVNI OGLAS

#### za popunu upražnjenih pozicija u reguliranim tijelima Vlade Zeničko-dobojskog kantona

#### 1. Naziv pozicije:

1. Predsjednik Upravnog odbora Agencije za privatizaciju Zeničko-dobojskog kantona \_\_\_\_\_ 1 član
2. Član Upravnog odbora Agencije za privatizaciju Zeničko-dobojskog kantona \_\_\_\_\_ 2 člana

#### 2. Opis pozicije:

Upravni odbor Agencije za privatizaciju Zeničko-dobojskog kantona čine predsjednik i dva člana.

Predsjednik i članovi Upravnog odbora prisustvuju sjednicama Upravnog odbora, učestvuju u razmatranju dostavljenih materijala koji se odnose na dnevni red sjednice Upravnog odbora, učestvuju u izvršavanju svih obaveza prema Vladi Zeničko-dobojskog kantona i obavljaju sve druge poslove u nadležnosti Upravnog odbora utvrđene Statutom i drugim općim aktima Agencije.

Konačno imenovana lica ostvarivat će pravo na naknadu za rad u Upravnom odboru.

#### 3. Svi kandidati za imenovanje na upražnjene pozicije moraju ispunjavati slijedeće opće i posebne uvjete:

##### Opći uvjeti:

- da je državljanin Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
- da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH („Službene novine FBiH“, broj: 12/03 i 34/03 i 65/13),
- da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine“, broj: 70/08),
- da nema privatni/finansijski interes u instituciji u kojoj se kandiduje,
- da nije osuđivan za krivično djelo, nespojivo sa imenovanjem na dužnost u instituciji u koju se kandiduje, pet godina od dana pravosnažnosti presude, isključujući vrijeme zatvorske kazne,
- da mu nije izrečena izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

##### Posebni uvjeti:

- VSS, VII stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja,
- najmanje 5 godina radnog iskustva nakon sticanja visoke stručne spreme,
- da nije član nadzornog ili upravnog odbora, odnosno odbora za reviziju nekog privrednog društva ili institucije
- da nije vlasnik ili član uprave nekog privrednog društva ili institucije,
- da posjeduje stručno znanje iz oblasti rada i organizacije privrednih društava,
- komunikacijske i organizatorske sposobnosti,
- sposobnost za savjesno, odgovorno i odlučno obavljanje upražnjene pozicije,
- sposobnost tumačenja ekonomskih, tehnoloških i pravnih analiza i propisa iz oblasti privatizacije,
- sposobnost upravljanja finansijskim i ljudskim resursima,

#### 4. Prijave na Oglas treba da sadrže kraću biografiju, adresu i kontakt telefon.

Uz prijavu je potrebno dostaviti:

- Uvjerenje o državljanstvu Bosne i Hercegovine, ne starije od 6 (šest) mjeseci ili CIPS potvrdu;
- Rodni list;
- Univerzitetsku diplomu;

- Uvjerjenje/potvrda o radnom iskustvu, nakon sticanja visoke stručne spreme;
- Ovjerenje izjave kandidata iz tačke 3. ovog oglasa – opći uvjeti, alineje 3, 4, 5, 6 i 7 Općih uvjeta;
- Ovjerenje izjave kandidata iz tačke 3. ovog oglasa – posebne uvjeti, alineje 3, 4, Posebnih uvjeta;
- Uvjerjenje/potvrda da kandidatu nije izrečena zaštitna mjera zabrane obavljanja aktivnosti/djelatnosti, tri godine od dana pravosnažnosti odluke o izrečenoj zaštitnoj mjeri izdato od nadležnog Općinskog suda prema mjestu prebivališta kandidata, iz tekuće godine;

Svi priloženi dokumenti moraju biti u originalu ili ovjerenoj kopiji.

**Napomena:**

**Dokaz da kandidat nije osuđivan za krivično djelo od nadležnog MUP-a službeno će se zatražiti za kandidate koji budu predloženi za konačno imenovanje.**

Svi kandidati koji budu stavljani na listu užeg izbora biće pozvani na intervju pred Komisijom za izbor na upražnjene pozicije u reguliranim tijelima Zeničko – dobojskog kantona. Prije intervjua, kandidati su dužni popuniti obrazac, u kojem će navesti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Obrasci će se dostaviti kandidatima prije intervjua.

Lični podaci o podnosiocima prijave su tajni i mogu se prikupljati i obrađivati u skladu sa Zakonom o zaštiti ličnih podataka („Službeni glasnik BiH“, broj: 49/06, 76/11 i 89/11).

Kandidati koje nakon intervjua preporuča Komisija za izbor, smatrat će se da su najuspješnije prošli otvorenu konkurenciju.

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine, bilo koji kandidati ili zainteresovana stranka može podnijeti prigovor na konačno imenovanje. Prigovor se podnosi Vladi Zeničko-dobojskog kantona, a kopija se dostavlja Ombudsmenu Bosne i Hercegovine.

Oglas će biti objavljen u „Službenim novinama Federacije BiH“ i dnevnom listu „Dnevni avaz“ Sarajevo.

Oglas, za podnošenje prijave, ostaje otvoren petnaest (15) dana od dana posljednjeg javnog objavljivanja.

Neblagovremene i nepotpune prijave neće se uzeti u razmatranje.

Prijave sa traženim dokumentima treba dostaviti lično ili preporučeno poštom u zatvorenim kovertama, na adresu:

Zeničko-dobojski kanton  
Ministarstvo za privredu  
Komisija za izbor na upražnjene pozicije  
predsjednika i člana Upravnog odbora Agencije za privatizaciju Zeničko – dobojskog kantona  
Kučukovići, broj 2.  
72 000 Zenica  
Uz naznaku:  
„PRIJAVA NA OGLAS - NE OTVARATI“